



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

VENDIM
Nr. 656, Datë 21.11.2019

“Për dhënien e disa rekomandimeve Entit Rregullator të Ujit mbi aplikimin për ndryshimin e nivelit tarifor për ndërmarrjen “Ujësjellës Kanalizime Krujë” SHA

Komisioni i Konkurrencës me pjesëmarrjen e:

Znj. Juliana LATIFI	Kryetar
Z. Eduard YPI	Zv/Kryetar
Znj. Leida MATJA	Anëtar
Znj. Adriana BERBERI	Anëtar
Z. Helidon BUSHATI	Anëtar

Në mbledhjen e tij të datës 21.11.2019, shqyrtoi çështjen me:

Objekt: Dhënien e disa rekomandimeve Entit Rregullator të Ujit (ERRU) mbi aplikimin për ndryshimin e nivelit tarifor për ndërmarrjen “Ujësjellës Kanalizime Krujë” SHA.

Bazë ligjore: Neni 24, germa d) dhe f); neni 26; neni 69 dhe 70 të Ligjit Nr. 9121, datë 28.07.2003 “Për Mbrojtjen e Konkurrencës” (i ndryshuar).

Komisioni i Konkurrencës pas shqyrtimit të:

- Relacionit mbi aplikimin për ndryshimin e nivelit tarifor për Ujësjellës Kanalizime Krujë SH.A,

VËREN SE:

- 1- ERRU-ja nëpërmjet shkresës nr. 372 prot., datë 02.10.2019, informon Autoritetin e Konkurrencës se me vendimin e Komisionit Kombëtar Rregullator (KKRR) Nr.72 prot., datë 01.10.2018, ka filluar procedurën për shqyrtimin e aplikimit për ndryshim tarife të ndërmarrjes Ujësjellës Kanalizime Krujë SHA, e cila ka propozuar me anë të projekt-vendimit, të aplikojë vendosjen e nivelit të ri të tarifave të shërbimit për furnizimin me ujë të pijshëm, largimin e ujërave të ndotura si edhe tarifën fikse për mirëmbajtjen e rrjetit të ujësjellësit, në të gjithë zonën e shërbimit pas riorganizimit.
- 2- Nga shqyrtimi dhe vlerësimi i informacionit mbi aplikimin për ndryshimin e nivelit tarifor si dhe projekt-vendimit përkatës “Për miratimin e tarifave të shërbimit të

furnizimit me ujë dhe largimin e ujërave të ndotura për ndërmarrjen Ujësjiellës Kanalizime Krujë SHA”, rezultoi se:

- Aplikimi i metodologjisë për ndryshimin e tarifave ka filluar me analizën e kostove të operimit dhe mirëmbajtjes, të cilat duhet të jenë të justifikueshme, si dhe në analizën e performancës, e cila tregon rritje të tarifave në mënyrë graduale.
- 3- ERRU thekson që ndërmarrja “UK Krujë” SHA aplikon tarifa të miratuara dhe të pamiratuara nga ERRU të diferencuara, për të gjithë zonën e shërbimit dhe kërkon ndryshimin e tarifave për të gjithë zonën pas riorganizimit bazuar në :
- Vendimit nr. 13 datë 30.05.2007,
 - Vendimin nr.15 datë 23.04.2004 me vlefshmëri deri në datë 30.04.2005 të UK Fushë Krujë SHA.
 - Tarifimi për Njësinë Administrative Bubq, një pjesë e Njësisë Administrative Nikël dhe Njësinë Administrative Kodër Thumanë janë shërbyer në furnizimin me ujë nga UK Durrës SHA.
- 4- *Për shërbimin e furnizimit me ujë të pijshëm*, aktualisht për konsumatorët familjar, ndërmarrja ka aplikuar tarifën e vitit 2004, vitit 2007, pra një tarifë prej 28 lek/m³ edhe 33 lek/m³ në varësi të zonave respektive. Tarifa e propozuar, për zonën e riorganizuar është 35 lek/m³. Kjo tarifë e propozuar pëson një rritje nga 6% deri në 25% më shumë se tarifa aktuale e miratuar nga ERRU. Kjo vlerë është propozuar nga ERRU të jetë 35 lek/ m³ për të gjithë zonën e shërbimit të furnizimit me ujë.
- 5- Njëpërmjet aplikimit, ndërmarrja Ujësjiellës Kanalizime Krujë SHA, propozon rritje të tarifave që për konsumatorin familjar në të gjitha zonën do të jetë në vlerën 35 lek/m³, pra duke pëësuar një rritje që varion nga 2 lek/m³ deri në 7 lek/m³; tarifa për konsumatorët publik pëson një rritje nga 20 lek/m³ deri në 40 lekë/m³ për të gjithë zonën pas riorganizimit, ndërsa për konsumatorët privatë rritja është 40 lekë/m³. Propozohet ndryshim i tarifës fikse duke pëësuar një rritje nga 0 lek/muaj/lidhje deri në 50 lek/muaj/lidhje për konsumatorin familjar, një rritje nga 0 lekë /muaj/ lidhje deri në 100 lek/ muaj/ lidhje të tarifës aktuale, rritet tarifa fikse për konsumatorin publik dhe privat. Tarifa volumetrike për largimin e ujërave të ndotura, propozohet një rritje me 0 lek/ m³ deri në 4 lekë/m³ për konsumatorin familjarë, 0 lekë/m³ deri në 2 lekë/m³ për konsumatorin publik dhe për konsumatorin privat nuk ndryshon tarifa volumetrike e KUN¹.
- 6- Nga analiza e kryer, bazuar në metodologjinë për vendosjen e tarifave, lidhur me treguesit e performancës, për secilën prej tyre janë vendosur objektiva vështirësisht të arritshme për vitin 2019, të cilat synojnë përmirësimin e performancës së shërbimeve të ofruara, arritjen e objektivave real në drejtim të reduktimit të kostos së mirëmbajtjes dhe operimit, menaxhimin e uljes së humbjeve teknike dhe administrative, si edhe synimin kryesor për rritjen e qëndrueshmërisë financiare,

¹Aktualisht këto tarifa aplikohen vetëm për zonën e qytetit, për klientët që përfitojnë nga shërbimi i kanalizimeve.

trasparençën në përfitimin dhe shlyerjen e investimeve deri të tanishme, rritjen e efikasitetit në faturime nëpërmjet task forcës.

- 7- Nga analiza ekonomiko-financiare, sipas ERRU-së, rezulton se ndërmarrja Ujësjetllës Kanalizime Krujë SHA pas riorganizimit nuk arrin të mbulojë kostot e operim mirëmbajtjes pasi ajo është 58.5% dhe parashikohet të jetë në masën 76.6 % në vitin 2019. UK Krujë SHA bën pjesë në grupin e ndërmarrjeve që janë në nivelin 100% të mbulimit të kostos së operimit dhe mirëmbajtjes.
- 8- ERRU-ja gjykon se ndërmarrja Ujësjetllës Kanalizime KrujëSHA paraqet nivel administrimi jo të mirë për vitin 2019, por do të përmirësojë nivelin e lartë të humbjeve që shkaktohen për shkak të numërit të lartë të lidhjeve nga 66% në 62% nëpërmjet një plani të detajuar të ndarë në faza për reduktimin e humbjeve. Ndërmarrja UK Krujë SHA duhet të mbajë në kontabilitet të ndara sipas llojit të shërbimit të ofruar kostot përkatëse, me qëllim që edhe tarifat të orientohen drejt kostove.
- 9- ERRU gjykon se ndërmarrja Ujësjetllës Kanalizime KrujëSHA duhet të punojë për reduktimin e nivelit të humbjeve teknike dhe administrative, duhet të angazhohet seriozisht në fushata ndërgjegjësimi, për të bindur banorët që përfitojnë ilegalisht shërbimin e furnizimit me ujë, për t'u paraqitur në zyrat e UK Krujë SHA, për t'u bërë klient të ligjshëm pasi çdo shërbim duhet paguar; duke angazhuar stafin për eliminimin e lidhjeve të paligjësme, vlerësimin sa më të saktë të çdo komponenti që bilanci të jetë i monitoruar gjatë gjithë vitit, të mbajë evidenca mbi sasitë e ujit që nuk maten, mbi sasitë e autorizuara të pa faturuara, etj, si edhe të hartojë Bilancin e Ujit sa më real, në të gjithë zërat e tij. Gjithashtu, të gjitha pikat e prodhimit edhe pikat kryesore të rrjetit duhet të pajisen me matësa të mëdhenj me qëllim zbatimin e një strategjie të leximit dhe regjistrimit rigoroz të burimit, çdo ditë dhe çdo muaj.
- 10- Tarifat duhet të jenë të orientuara drejt kostos, me synimin e arritjes së fitimeve të arsyeshme të ndërmarrjes UK KrujëSHA, e cila ka pozitë dominuese dhe rregullatori duhet të stimulojë uljen e këtyre kostove si dhe vendosjen e tarifave në nivele minimale, duke siguruar që konsumatorët të paguajnë çmimin e duhur për produktin dhe shërbimin që u ofrohet.
- 11- Duke qenë se ndërmarrja nuk ka instaluar matësa në prodhim, në pikat kryesore të rrjetit, niveli i humbjeve administrative dhe real është shumë i lartë, rekomandohet të analizojë historikun e debisë, hedhja në databazë, në librin e llogarive të gjitha investimet e përfituara në vite si asete të ndërmarrjes si edhe të analizoj detyrimin që rezulton nga mos pagimi i faturave të shërbimeve ndaj UK Krujë SHA. UK Krujë SHA duhet të hartojë një plan të detajuar për vjeljen e debive të prapambetura. Gjithashtu, duhet të menaxhojë saktë dhe të shlyejë në kohë detyrimet ndaj furnitorëve me qëllim reduktimin e kostove shtesë që kanë të bëjnë me kamatë vonesat duke përfituar edhe nga subvencionet e alokuara nga Qeveria. Të gjitha investimet duhet të jenë sa më transparente, të përshtatshme, efikase dhe të nxitin

reduktimin e kostove nga niveli aktual si dhe përdorimin në mënyrë efektive të burimeve ujore.

- 12- Nga vlerësimi i Konkurrencës “Mbi miratimin e tarifave të shërbimit të furnizimit me ujë dhe largimin e ujërave të ndotura për ndërmarrjen Ujësjetllës Kanalizime Krujë SHA” rezulton se: Ndërmarrja Ujësjetllës Kanalizime Krujë SHA ka pozitë dominuese dhe si e tillë, ka detyrimin e orientimit të çmimeve drejt kostos. Në aplikimin për rritje të tarifës, UK Krujë SHA nuk ka realizuar ndarjen veç e veç dhe sipas zonave, të kostove të shërbimit të furnizimit me ujë të pijshëm nga shërbimi i largimit të ujërave të ndotura gjithashtu dhe kostot për shërbimin e ofruar me ngritje mekanike apo me rënie të lirë.
- 13- ERRU në analizën ekonomike financiare të saj ka marrë në konsideratë kostot totale së bashku për të dy shërbimet e ofruara, duke mos zbatuar Vendimin e Komisionit të Konkurrencës Nr. 492, datë 28.12.2017 “Për dhënien e disa rekomandimeve Entit Rregullator të Ujit dhe UKT në lidhje me ndryshimin e tarifave të shërbimit të furnizimit me ujë dhe largimin e përpunimit e ujërave të ndotura”, pika (I), gërma (e).
- 14- Konstatohet sevendimi për fillimin e procedurës për ndryshimin e tarifave është bërë transparent në faqen e ERRU-së, gjithashtu është marrë në konsideratë rekomandimi i dhënë nga Komisioni i Konkurrencës me Vendimin Nr. 492, datë 28.12.2017 “Për dhënien e disa rekomandimeve Entit Rregullator të Ujit dhe UKT në lidhje me ndryshimin e tarifave të shërbimit të furnizimit me ujë dhe largimin e përpunimit e ujërave të ndotura”, pika (I), gërma(e).

PËR KËTO ARSYE:

Komisioni i Konkurrencës, bazuar në nenet: 24, germa d) e f); 69 dhe 70 të Ligjit Nr. 9121, datë 28.07.2003 “Për Mbrojtjen e Konkurrencës” (të ndryshuar), me propozim të Sekretariatit.

V E N D O S I:

- I. T’i rekomandojë Entit Rregullator të Ujit si vijon:
 1. Tarifat e ndryshuaraqë do të miratohen nga ERRU për ndërmarrjen Ujësjetllës Kanalizime Krujë SHA, të jenë të orientuara drejt kostos së shërbimeve dhe të jenë të bazuara në parimin e mosdiskriminimit.
 2. ERRU të kërkoj nga Ujësjetllës Kanalizime KrujëSHA, ndarjen e kostove për të dyja shërbimet e ofruara duke njoftuar AK brenda 90 ditëve për realizimin e këtij rekomandimi.

3. ERRU të kryej auditimin (verifikimin) vjetor të përputhshmërisë në sistemin e llogaritjes së kostos përfshirë dhe kontabilizimin e investimeve të financuara. Të bëj transparente përshkrimin e sistemit të llogaritjes së kostos.
- ii. Ngarkohet Sekretari i Përgjithshëm për njoftimin dhe ndjekjen e zbatimit të këtij vendimi.

Ky vendim hyn në fuqi menjëherë.

KOMISIONI I KONKURRENCËS